


[www.BibleForChildren.org](http://www.BibleForChildren.org)


# मत्ती 8




तीसरा दाडे गलील जीला ना काना हेर मे एक माणेह ना वेवा हता।  
अने ईसु नी आहूय बी तां हती। वेवा मे ईसु अने तीना चेला ने बी  
बोलावला हता।



जत्यार तां अंगुर नो लहणायलो रोह खुट ज्यो, ता ईसु नी आह्य  
ईसु ने केदी, हीमनी पांह अंगुर नो रोह नी र्यो। ईसु नी आह्य  
चाकर्या ने केदी, “हीय्यो तमने जे कंय केय तीहयु तमु करजो।”



ईसु पावर्या ने केदो, “गोळा मे पाणी भर देवो।” अने तीहया गोळा मे उबरायतु पाणी भर देदा। ईसु तीमने केदो, “हाव थोडुक पाणी काडीन वेवा करन्या डायलान्तां ली जावो” अने चाकर्या डायलान तां ली ज्या।



जत्यार डायलो तीहयु पाणी चाख्यो, ते पाणी अंगुर नो रोह बण  
जेलु हतु, अने तीने मालम नी हतु, के तीहयो कां गेथो आवलो से, पण  
गोळा मे गेथु पाणी काडण्या  
पावर्या ने मालम हतु। ता  
डायलो लाडा ने बोलावीन  
तीने केदो। आखा माणहु पेले  
वारु अंगुर नोरोह आपे, अने  
जत्यार माणहु पीन छाक  
जाय, ता थोडोक  
हळको अंगुर नो रोह  
आपे, पण तु हजु लग  
वारलो अंगुर नो  
रोह राख रेलो।





ईसु गलील ना काना हेर मे पेली कावा जुदा-काम  
नी सेलाणी देखाडीन आहफा नी बडाय  
देखाड्यो। अने आहयु देखीन ईसु  
ना चेला भरहो कर्या।




पतरस ना घोर ईसु पुग्यो, ता तां पतरस  
नी हाहु ने ताव चड रेलो देख्यो।



ईसु तीनो हात छीम्यो, अने तीनो ताव उतर ज्यो, अने तीहयी उठीन तीमनी चाकरी करवा बाज ज्यी।



दाहडु बुड्ये माणहु आखा मांदलाम ने अने भुत लागला माणहु ने बी ईसुन्तां लाया। अने आखा हेर ना माणहु तीहया घोर ना झापला पोर एकठा हय ज्या।




ढेरत माणहु ने जे कंय भात-भातीन मंदवाड मे हता, तीमने ईसु वारु कर्यो। अने तीमनी मे गेथा ढेरत भुत ने बी काड्यो; भुत ईसु ने ओळख्ता हता, ईसम करीन ईसु तीमने बोलवा बी नी देदो।




आखा माणहु ईसु ने छीमवा नी हेर करीन आय रूया हता, काहाके ईसु मे गेथी ताखत नीकळीन आखा ने वारु करती हती।



एक लखवा मे पड़ला माणेह ने च्यार जणा  
खाटलु मे उचलीन ईसुन्तां लाया।



पण तीमने घोर मे, ईसुन्तां जवा जागो नी  
जड्यो; करीन तीहया घोर पोर चड्य्या, अने  
ईसु जां हतो तां तीनी हुदवाये उपर  
घोर नो हीवडो वेखड्य्या, अने  
मांदलु ने ईसु नी अगळ  
खाटलु भेळ  
उतार देदा।



अने तीह्या ईसु पोर घणा जबर भरहो कर र्या, आहयु देखीन ईसु  
लखवा मे पडला माणेह ने केदो:


“सोरा, तारा पाप माफ हय  
ज्या।” “उठ तारु खाटलु  
चुटलीन घोर जत रे।”



जत्यार ईसु दुंड्या मे बह ज्यो ता तीना चेला बी हाते बह ज्या।  
अने तीहयी वखत दर्या मे उचकाहलुत  
घण-जबर आंजी आयी, अने दर्या नी  
झलक दुंड्ये अफठायून दुंड्या ने  
घेरवी री हती। पण ईसु हुवा  
बाज र्यो हतो।



ईसु तीमने केदो, ए, वण-भरह्या! तमु एतरी जबर हुका बीही र्या?  
अळतेण तीहयो आंजी अने पाणी ने वड्यो अने आखु धीरु पड ज्यु।  
आह्यु देखीन तीहया वहराय ज्या, अने केदा, आहयो केवो माणेह से  
के आंजी अने दर्या लग हुकम माने।



भगवान आह्यी कळी सी एतरो मोंग कर्यो, के  
तीना एक-खोळ्या बेटा ने आप देदो के, जे कोय  
तीनी पोर भरहो करे, तीहयो बरबात नी ह्ये,  
पण अमर जीवाय हात करहे।



रोमीयो 3:23 काहाके आखान-आखा पाप करला से, अने आखान-आखा भगवान नी बड़ाय सी बाकता ह्य ज्या।

रोमीयो 6:23 काहाके पाप नी दाड़की ते मोत से, पण भगवान नो फोकट्यो वाटो आपणा मालीक ईसु मसी मे अमरकाय जीवाय से।

ईब्रानीयो 9:27 अने जीसम माणहु नी लेदे एक कावा मरवा अने तीनी बाद नीयाव नु ह्यणु से जरुडी से।

ईफीसीयो 2:8,9 काहाके भरहा ना लारे दया सीत तमु बचला से, काहाके तमारी लारे नी ह्यु, पण आह्यु भगवान नो ईलाम से, अने आह्यु तमारा कामु नो फोळ नी ह्य, के कोय मोटाय करे।

रोमीयो 10:9,10 आनीन करते कदी तमु आपणा मोडा सी ईसु ने मालीक करीन मान्ता ह्य अने मन मे आह्यो भरहो करता ह्य के भगवान तीने मरला मे गेथो जीवतो करलो से ता तमने छुटकारो जड़हे। काहाके भरहो मन सी कराय, जीनु फोळ से धारमीक्ता अने मानवा मोडा सी ह्ये जीनु फोळ से छुटकारो।



युहन्ना 3:16,17 भगवान आह्यी कळी सी एतरो मोंग कर्यो, के तीना एक-खोळ्या बेटा ने आप देदो के, जे कोय तीनी पोर भरहो करे, तीहयो बरबात नी ह्ये, पण अमर जीवाय हात करहे। भगवान आह्फा ना बेटा ने कळी मे आनी लेदे नी मोकल्यो, के कळी पोर डंड नो हुकम आपे, पण आनी लेदे के कळी तीनी लारे बचे।

1 युहन्ना 5:11-13 अने तीह्यी गवाय आह्यी से, के भगवान आपणु ने अमर जीवाय आपलो से: अने आह्यी जीवाय तीना सोरा ईसु मसी मे से। जीनी पांह ईसु से, तीनी पांह जीवाय से; अने जीनी पांह भगवान नो सोरो ईसु मसी नी ह्य तीनी पांह जीवाय बी नी ह्य। मे तमारी जुगु, जे भगवान ना सोरा ना नाम पोर भरहो कर र्या, आनीन करते लीख र्यो; के तमु जाण जावो, के अमर जीवाय तमारी से।



मत्ती 8-9; मरकुस 1-2, 4; लुका 4, 8; युहन्ना 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Paliya Bible (bpx) © The Word for the World International  
and Yisu Por Bherho Karanya Paliya Mandli,  
Rajpur, Barwani, MP, 2025

<https://www.bible.com/en-GB/bible/2779/MAT.1.PPT2025>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

